

'Jangan beri tekanan kepada anak, murid'

Ibu bapa, guru disaran beri nasihat serta semangat kepada calon UPSR

Oleh Noor Atiqah Sulaiman
bhnews@bh.com.my

Putrajaya: Ibu bapa dan guru tidak harus memberi tekanan kepada anak serta murid, yang menduduki Ujian Pencapaian Sekolah Rendah (UPSR) 2019.

Menteri Pendidikan, Dr Maszlee Malik, berkata lawatannya pada hari pertama ujian itu semalam, mendapati kebanyakan ibu bapa kelihatan tertekan dan secara tidak langsung memberi tekanan terhadap anak.

"Saya melihat tadi, golongan ibu yang banyak cemas dan tertekan. Saya berharap ibu dan guru tidak terlalu tertekan dan menekan anak.

"Apa yang penting ialah memastikan mereka membaca, rajin dan berusaha. Selepas berusaha, banyakkan berdoa.

"Jika ibu bapa dan guru tertekan, ia juga memberi tekanan kepada anak. Cara ini tidak bagus



Maszlee memberi kata semangat kepada calon UPSR di SK Putrajaya Presint 8 (1), Putrajaya, semalam.

(Foto Ahmad Irham Mohd Noor/BH)

untuk pembesaran dan perkembangan minda mereka," katanya.

Beliau berkata demikian selepas meninjau perjalanan UPSR di Sekolah Kebangsaan (SK) Putrajaya Presint 8 (1), di sini, semalam.

Seramai 154 calon mendaftar

untuk mengambil UPSR di sekolah berkenaan.

Dalam pada itu, Maszlee turut mengingatkan ibu bapa supaya menyediakan sarapan untuk anak masing-masing, sebelum menghantar mereka ke sekolah.

"Sediakan sarapan bagi meng-

elakkan perut kosong, yang boleh mengganggu mereka menjawab peperiksaan," katanya.

Kementerian Pendidikan dalam satu kenyataan memaklumkan, seramai 445,641 calon mendaftar untuk menduduki UPSR di 8,076 pusat peperiksaan.